

皇清文穎續編

皇清文類續編卷一

表

御製詩文十全集進表

彭元瑞

伏以

昊緯垂象朗參旗井鉞以揚禔

皇極敷言粲璧府奎垣而誌盛

文章莫大乎是薈成

八集之書堯舜以至於今親見

十全之寶配雅頌典謨而益上暨變諧漸被以大同  
籍冠縹緗勲標金石臣謹誠歡誠忭稽首頓首上言

竊惟聖人旣作立德功言而三邃古以來與禮樂刑

爲四弦弧劙矢庖犧開一畫之先驅怒鶻爭軒后握

八奇之勝四代之書渾噩爰登征扈戰甘六義之教

溫柔必采芑鉦旛旐過沛而思守士歌逐雲飛得隴

而畏發兵詔稱鬢白渡遼阻湏闕字霾漢武高臺雲

裂星沉夸詞餽薛舉戰地鐵幸靈之碣羈靡致韻利

俟斤賦飲至之章部曲得突厥刺太原平晉之記  
側石聞捷之篇西夏至關中祕畧笑矜其神武北朝  
盟城下凱旋愧詠彼大名謀失復遑別集不頒祕計  
身徒航海御札尚調邊機皆武功未極其張皇斯文  
格彌形其骯骯或尋常公種偶屬刃於壹戎或咫尺  
中原詫繫纓於貳負或邊臣傳箭箙聞廟算密操或  
文士捉刀罕見睿思親製從未有萃天數地數以成  
十記五併五款新作一經觀人文天文而得全釐萬

首萬篇類爲總集如

今日者也茲蓋伏遇

皇帝陛下

智勇天錫

剛健日新

禮中庸之宜民得位得祿得名得壽

書禹謨之廣運乃聖乃神乃武乃文赫矣

皇清承茲

寶命肇

龍興於博海定

駿烈於燕都起俄朮里而

奮戈

書薩爾許之

秉鉞纂

開國之方畧幽三單而戰杏戰松

紹法

祖之規模湯四征以平滇平朔蓋弓矢乃八旗之舊俗而

神武實萬世之

家風咸仰

聖人克篤

前烈引威弧而在掌蘊智劍以從心擴柔遠能邇之  
閭猷裕內靖外安之

郅治自初

御宇十年從未言兵惟

屢詰戎一日弗忘講武不得已而用師往有功无所得利而爲我戰則克溯厥長蛇封豕莎羅奔逞游食之謀因而定筭存駛良爾吉麗漏師之罰碉門高圮倏憂魚爛之危籌窟平沉敢緩羊牽之請石機連而蜀被臨衝茀而崇降初定金川第一厄魯特龜又生罷達瓦齊卽還負屢用來降之力春二三月以出師成不戰之功夜廿五人而研陳遂繫烏孫之部長兼繫青海之

通臣

初定準噶爾第二

副將軍飽則鷹鷗輝特汗晝思鼠伏

師沈再入固札廟之牀灰飛孽睨羣消伊犁河之流  
鞭斷檄哈薩克而鮒窮密網竄俄羅斯而鶴落空弓  
再定準噶爾第三

脫奴隸以戴

恩嘯弟累而備

惠叛同乎徵側徵貳駱將有家誅連彼僑如榮如鄭  
瞞無種窖米樹丸之

助順纏頭凸鼻之知歸

平定回部第四

懵促浸之忘讐附贊

拉而構既船縫皮而飛越五月渡瀘崖刮耳以仰攻

三更奪砦役五年而依楊柳凱八日以達桃花

再定兩金

川第云何諸蔗之鄉適有萑苻之盜擗內山而鏢鹿

角摺衢崎瀕外海以翦鯨鈎吞琅嶠三指妄紿乎添

弟兩頭駢係乎孚人

平定臺灣第六

蕞爾朱波古云憚國官

屯將下班師避茅瘴之期國長忽來歸順狃葉文之

表再世之僧皈自懺廿年之

天赦原寬

平定緬甸第七

走銳卒於龍編復辱王於象郡雖

與滅繼絕之義懷侯有經而栽培傾覆者

天奉若惟

聖策幣納一王之贊兜觥親

萬壽之觴

平定安南第八

烏斯藏外之荒廓喀邊餘之蠶錢

低鹽惡

鑒其屈抑之情我往彼逃讐以

威棱之重遂頂經而向

佛始薙髮而朝正

初定廓爾喀第九

貪以信讒嗔因責賄絳

巖瓴溜入阻傅陽布之庭象齒馬蹏出鞭敏噶箕之  
使旣七勝示之必克逾

八旬全底於成再定廟爾第十一 緯茲十盪十決之多恢爲

一尉一候之寓西斟濛汜東帖滄溟北隳王母寡之  
城南隘馬伏波之柱勒圍雲斷熱索雪消關絡十三  
版納之司貢旅八百媳婦之國添時憲書之格日出  
入常跨兩時益

皇輿表之圖里廣袤且畸三萬皆

一人之審幾決策運於無形當

五夜之發慮出謀煥乎

有作方披軍牘卽紀捷以盈篇未達郵機每發蹤而累什西師詩蔚爲

鉅製新樂府

闡以大經土已禊辰勞帥之七言八首西池紫閣落成之六韻四章舶轉白螺

避暑之筵載詠臺臨赤縣

清蹕之路頻廣瑪瑙入陳之歌格登摩壘之曲寫戰  
圖而句補尊

璵瓈以函鏤玉壘佳音三十章蟬聯敲鑼金淵別體  
十二辰象肖嵌珠李青蓮之蜀道徑卑白少傅之陰  
山義反何知韋應物採玉如花欲問杜少陵屯田有  
麥上元排卦師六爻貞叶燈詞左个演疇武七德續  
臚茗宴聯鯢嶼繼聯戴嶼申春酉春定回疆復定藏

疆卅韻卅韻

諭昭開惑

旨繹信

天弁圖志於九埏序同文之重譯四碑屬負虹光籠  
太學榮槐片石螭承星彩映灤庠獮鼓伊犁三回部

二

御銘鐫葱嶺之嶺臺灣一金川三

天筆勒蒼崖其上史紀南夷西域元通逃考世系之  
詳圖踰麟閣雲臺我忠盡等功臣之贊崑山隸版降

人解抵鵠桓寬驃匈陁庭陷使過牧羝蘇武品超乎  
杜詩韓筆能獨勝者能兼長義包乎豹署龍韜有武  
備者有文事至若土爾扈心依樂國全撫衛拉賴黑  
木首創邪謀永寧烏什置懋功之協屢聞屯練建勲  
褒嘉義之名又見生番獻

壽踰朱方之浪泊囊括占城定黃教之奔巴籤公佛  
座事悉牽連而大定例皆緝綴以得書  
行三軍則好謀而成

衷六藝以多文爲富紅旗隨遞良平之羣策誰襄

丹稿貢宣游夏之一辭莫贊閱四十八年而分

集羅千六百首以彙編炳若春秋次第而表年系月

犁然本末分張以比事攢門六九卷制陽開陰闔之

奇廿八冊布宿舍星躔之麗

聖辭攸繫具微彰剛柔之四知

天聲所揚俯甲乙丙丁而一部臣荷戈力茶簪筆才

華幸獲際於

燕辰疊預聞於

鴻捷木天通籍及

午門觀二部俘儀朵殿隨班更寅陞聽兩金鏡吹捧  
雲章而先覩翹仰觚棱接露布之遄臻欣磨盾鼻肅  
紬書於

金匱盥給札於

琅函惜馬遷未遇其時徒列衛青霍去病之傳哂蘇  
軾欲張其代迺豔董氈溫谿心之禽壓韓愈平淮蔡

之碑書讀何須萬徧陋班固侈燕然之頌序銘僅止  
百言於

御製集妙出杼機與

說經文相爲參兩歟諸

香案肩

守成

創業以相兼

頒在藝林心

盛德大業之所自伏願

升恒幹運

垓秭積籌

道若循環靖戢矢橐弓之後

德如覆笠冒橫章縱亥而遙符願無斯事之

吟懷修文有懷偃武

抒戒之在得之記謝勇功並謝智名作之

君作之

師稽循輩疏乞敘命因提賢於泰初十紀合其德合  
其序越赫胥尊盧驪連栗陸允爲

福壽全人

八旬萬壽盛典進表

彭元瑞

慶惟我

皇上

福集箕疇

壽增軒紀

堂顏四得具位祿名壽而宜民

寶篆八徵省歲月日星而來備三乘三

履統天之御五十五叶大衍之全

萬歲樂以由庚

八奏盈乎步戌環瀛喜洽戴斗愉騰

鑒黎赤之貢箋爰

允祝

釐之請顧簪紳而載筆特摛紀盛之編粵若繞電兆  
禧流虹篤祐祁乙酉媯丙戌宛授受之相承武庚寅  
文壬辰儼後先而中立軒轅以戊生爲土德之王成  
湯以乙日應元鳥之祥三統云遙邈莫詳於僂祿六

帝未逮但得半於添籌溯唐室之開光肇誕辰而立  
節絲囊綬帶通戚里之饋貽白帝田神託民間之報  
賽張九齡千秋金鑑之錄徒緬古風王虞休八宮誕  
聖之歌侈敝俗樂談延叅成徐岱陋三教講論之誣  
大同紹興至元鮮一代聖神之寶繙九流之舊目探  
四庫之新藏從大撓納甲以來罕臻茲會卽史皇制  
字而下未見有書維

康熙初集之垂迺癸巳

六旬所輯圖鐫翠版蹟耀金繩時甫當

飴侍

沖齡

聖以繼

聖逮今而觥稱

天慶書不一書

德紹

祖以彌謙遲二十年之後事屬辭而相比昉

七十壽有加首冠環甲之

詩

文次敘近旬之

功

德鏤瑞疊祥駢之牒用告嘉符注晨叅晝會之班式  
彰鉅典設科蠲賦

恩賚示

上德之宣獻冊濡豪繪頌採下情之達懶目併八門

之富據實祛一語之夸臣等率同總纂纂修等雀躍編蒲夔矜授簡馮典禮典屬之牘官舉上儀鳩工書工畫之儕子來副墨矢寅衷而成帙塞

乙覽以仰

裁竊省全函是

億齡之起例試據六事洵萬世所曠逢自昔睿文輒  
嬉闌製躡山躡塗堯戒三言風薰風時舜琴一操朕  
在位七十載紀言出自史臣厥享國五十年述德乃

由家相今則同

天道久與日

銘新

詩取編年歲積黃綾兩本

文真壽世義通漆簡六經每錄數篇卽裏多卷

道充尺籍百倍於堯典禹謨

聖惜寸陰長閑夫皇春帝夏斯萬世未有者一也間  
尋蠶籍競詫鴻功獵狁近逐於太原徐方遠矜於江

漢勤軒皇之教戰尚恐霧迷謝光武之閉關自勞鬢  
白今則

四知先覺三捷頻馳赤囊靜洗於鯤身銅柱遙開於  
象郡驃來獻樂番伏頂經

時措之而咸宜老謀壯決

天巍乎其罔外大畏小懷有來如歸我戰則克况乎  
濛西拓土事早在卅載以前藏外

宣威勝績入

十全之記斯萬世未有者二也有媯宅位猶戒倦勤  
周穆詰方必言荒度演洛書之嚮用次在康寧數曲  
禮之引年名殊耆艾今則

日强以敬

天健維恒宵衣旰食之居諸夕惕朝乾而悠久

禋

祇

廟

社升歆匪懈於

躬行日月農蠻抱蜀咸周於

親獻秋上蘭而講武塵清

六轡郊原冬佛臘以

臨筵步陟三層樓閣玉雕鳩首屏榔栗而未挾楮灑  
蠶頭却縠韃而弗御不導引而壽

聖與人同亶聰明作元

天之將縱斯萬世未有者三也諸家譏述多驚祿祥

元狩元鼎以紀年神爵神䴥之建號餘杭半壁繙披  
濩澤之圖丹徒布衣史創吳興之志今則

寶道不愛

福祿馨宜見元孫者二百家慶餘

祕室師國子者百五歲

講聽槐街鹿鳴邀再宴之卮麟趾捧四男之粟然且  
旣呈黑米詎若屢綏晉報清河何如底績冬藏蝶見  
什僅勒於太常春始帛飄事弗宣於史館惟

垂民壽年豐爲上瑞不謂天時人事之

郅隆斯萬世未有者四也古云職貢例付丹青立本  
摹列國之衣冠賈耽誌諸蕃之道里漢屯戊已羈縻  
右臂之謀明致梯航荒督西洋以外今則

舊基綺構

新宇規恢胥此享王躋之

仁壽畢班壁特因頤婦而

賜翎華鴛由東稟匱人而薤髮綺使順祿於花象交

王敏覲於朱戴坎扒窪解貢名經珠露海知書

慶節汎王台吉並集爻間屯練降番亦依

仙仗天高秋孟

山莊

特宴生身日近年班沙塞本行熟路斯萬世未有者  
五也賦徵忠愛頌嫩形容卿雲復旦之詞賡惟八伯  
柏梁和時之唱聯者數臣吳楚不登於國風壽穀僅  
肆於樂府今則

文思光被

典學崇深

一記抉洪範之精

兩論闡中庸之蘊趨形庭之

訓

皇子聞詩播紫閣之章陪臣屬和謠衢三百

睿句被以筦絃祝嘏十千夷樂譜爲儻侏

手第從臣之頌荷

加恩者十人督開下學之蒙

俯改題者全韻詩以言志臚謳吟舞踏之歡

君乃作師廣敦厚溫柔之

教斯萬世未有者六也如上所系悉載於書綠字赤  
文粲長生之芝籙琅函玉簡握益壽之蘿圖炳爍

天文輝煌

家法迪

光冊府流曜藝林堯以勲而舜以華書皆名典目繫

爻而文繫卦易統稱周

頌向綿區彌下際上蟠之宇度諸

棐几排左圖右史之籤從茲

萬壽重輪繼此十年一部斐英聲而騰茂實人皇萬  
八千歲寶緘益物於西山揚偉績而張鴻庥

盛典百二十弓秘錄允推爲甲觀

李惠全書進表

彭元瑞

恭惟我

皇上保赤誠求愛養億兆

御極六十年以來蠲紓振貸之政周溥稠疊計發帑

金鉅萬萬有奇

厚澤深仁淪肌浹髓實懿古帝王所未有臣謹排輯

御製詩章

欽頒諭旨分類比事系月編年纂爲

孚惠全書通部告成敬奉

表恭

進者伏以

政在養民六府孔修功迺敘

皇維建極九疇曰富壽爲先

道參化育之誠輔相裁成而泰有福

德協清寧之撰天施地生而益无方紀謨典以歲增  
濟義頊陶姚所未逮披度支之日積竿京垓億秭而

猶逾汜濩寰區玢璘冊府臣謹誠歡誠忭稽首頓首

上言竊惟國徵九賦守急公奉上之經井養萬民篤施祿及下之義貢助徹非民非吏校以爲常租庸調用二用三取之有制定茲兩稅沿自列朝實量通用仍之恒規允踐土食毛之公誼謂什一之灋僅取於公田故三五以前罕聞於蠲制然而周官荒政首臚散利薄征左氏遺文侈談施舍已責禹憫無檀而製幣湯勤有禱而鑄金洎初漢發庾以振偏肇同時除

租而減半水耕火耨下巴蜀以致江陵寇隔軍輸免  
陝鼎而連幽管弛車船之用傳勒豪富以儲餘就食  
而仗外負擔量試或御前作粥持節開倉於河內僅  
聞汲點便宜降旗拓土於江南猶遣高紳檢責守財  
鄙封禡之庫催熟苦追欠之司吝施於故宅比鄰賜  
復但渡江將吏在官惟祠牒之可乞遇貸乃白紙之  
猶收或兩三郡之陘區或數十年而創見金部時因  
而手束瓊林祇務於額盈民隱弗聞小惠未徧從末

有涓八夤之雨露十行每下粢千萬計而羸哺百室  
之饑飧一食不忘統六十年之久如

今日者也茲蓋伏遇

皇帝陛下

惠均燾載

治懋登咸

躋九袞以由庚雨暘寒燠風八徵來備

建一元而周甲角徵商羽宮十紀齊年俾萬邦咸樂

於豐綏猶

乙夜長殷於解澤功補造化如以春風風人夏雨雨  
人澤潤生民胥曰解衣衣我推食食我仰  
作求之

世德所無逸於民依普蠲歌

仁祖之

仁歲賑監

憲皇之

憲宣重光而彌耀善

繼志以加隆容保有臨名言曰莫罄敬撮陳夫萬一真  
度越於尋常懿十載之

錄膺首除夏稅符六旬之

馨告悉放秋租疊燕喜於

慶辰沛鴻施於

壽宇匱封藏鋸四番之縣帖毋追晦滯餘糧三度之  
軍帆可歇輪府州而劃界嚴以防吏蠹官朦

教敦睦以善鄰婉爲

諭業家佃戶

右普蠲  
錢漕第一

雖舊籍踵行於前代而

新綸額豁於崇朝柳壓沙堙赦瀕海瀕河之澆土山

頭湖尾停新畬新畎之升科祝解網之仁台海勿收

魚課祐算舟之失吳江莫進鰐鮮惻遺累於前民漁

交馬折繩畸零之小戶

右減除舊額第二

維耕斂

之省有巡而

車駕所至曰幸

陪都

四莅裕陟岡過澗之農南國

六臨普蟹稻蠶桑之利檢玉之山嵩岱輦下取于布  
金之地臺懷輅前合十津門夏諺

恩覃於維赤維畿灤塞

秋蒐級視以免三免五

右  
蠲免第三  
巡幸

耆定餘

十全之績平成告四暨之

功粒粟寸絲不擾里間之派輓芻興畚且從例外之  
銷度征綯之驍師

賜必徧楚黔燕豫帖浸荆之鯨浪官爲修垸塴隄圩  
屬茭橈於龍岡出帑旣千餘萬嘉算壺於鹿港蠲年  
閏再而三右差役蠲緩第四當三時共飽於倉箱或一隅偶  
虧於墉櫛巢鳩忽毀俄零寧夏之膏舟鷁初延已濕

漢川之濱淮徐海吐吞黃渤動不稅以連年延榆綏  
襟帶甘涼每同霑於千里霸汀角淀賦錯準乎水痕

河北畿南籽分饒乎雨後

右偏隅獨緩第五

方畧吏騰封而

辰告

屢隱民榜待以庚呼二廟代謀權本色折色之孰便  
三倉許借判減息免息而有差例有分草房瓦房之  
殊

恩加兩倍戶無論極貧次貧之等

特予常川謄黃間帖於桃符新春遞展齧白尙存於

柳幹舊歲猶增

右偏隅賑

借第六

謂食乃民天而漕供

帝庚鉅運艘之貢粟委雪於臨德津通泛遼碣之高

固移霜於金復海蓋謝多儲於倉部毋飽雀而餓農

戒遏糴於鄰封徒秦肥而越瘠雁戶旣豬於挹注旗

丁益以月糧鳩商各驚於懋遷關吏止其日權右載  
撥裕

食第七瞻瓦盆望懸於升斗爲蔀屋籌密於錙銖出入

皆肥禁縣吏派單之弊公私兩便定殷商領糴之程

樂歲價關外之穄梁燒鍋弗耗璞計涌市中之菽豆

戀棧無飢廩不隔年豫以官糈甲米春無百里監之

羽衛卿員

右平糶減價第八

庶哉人海之浩穰飽爾衢尊之

斟酌視皆同於黎赤救餒柏冬憐不接於青黃寬期

遇閏取禾三百堂普濟以歲添賦粟一鍾厥分城而

日給望闔閭而腹果蒞則乘驄資資斧以力充歸其

叱犢

右京庫常賑第九

任土効墳倉之奉逢年間倚閣之逋

咨爾西陲

軫瘠確荒寒之地

惠此南土乘

豫遊巡省之年省惟正之供旁逮於耗銀漕項破一成之格曲周於鑪戶倉夫昔也

御宇乘龍隨

恩詔都從於錫界今而應

天垂象環

皇輿共迪於吉祥右蠲除積逋第十凡茲六合之蒙庥都秉一人之布德

淵神沖裕乾能美利而健行

景運縣長願以養貞而觀物境擴於七十二代以上  
居留荒邊隘而靡遺財盈於再三十年之通捐貫朽  
粟紅而弗會當夫

披衣問夜

秉燭待章課雨量晴追稷后農神之烈洪縻黛耜勤  
和成羲作之

躬驛騎早馳甘雨詢寸分之入牘函纏達

醸膏無信宿之淹未到興勦

卜雲同於隴雪及時翻未觸霞烘於山桃維砌農勦  
穡之

心未覺勞迺發政施仁之利無不博約十載必逢於  
曠典復浹日罔缺於

恩言三月雩龍拾級

步靈潭之禱

八旬策馬觀稼出

麗正之門郤

七秩之稱觥

古稀戢穀繹八徵之篆寶

耄念錫康齡高夫輩乞栗驪與三皇齊

論年之永數綜於壤溝正載以十等持發帑之籌亭  
育乎鯀國鞠邦滲漉乎鞮音象譯序回人之屯種

詔猶蠲烏魯木齊贍部衆以谷量飢不餐楚拉啟勒  
府原改土麗江散出戶之莊奴營屬平番元霸杜私

收之貝母蠟白三寨一例輶其狐皮巴裏兩塘半流  
裁其馬價西渝藏地三十九族得食得衣南涉臺員  
九十六社自耕自種從古荷戈天外限戰場而甌脫  
不耕於今隸版域中入戎索而金炊同熟蓋以年豐  
人壽百五十二年遊

樂利之天所由守位理財七千八百萬美幅幘之賦  
節宮中之用度

論著示崇儉爲歸絕藝外之徵求

鑑評斥大盈之陋三登慶夫六有猶

殷於欠少輸多一飽樂以同人還

誠以母遺寧濫方興版築又來移粟之舟正峙儲胥  
併乏打門之吏惟豫大豐亨之會地上錢流乃咸速  
恒久之時旣中飯溢時則司農宣

勅守土飛箋仰銜

旨於雞竿速播音於驛策牛柵雞坊之側衆口爭傳  
齒鯢髮鶴之倫屢

恩能述方且琴揮玉軫

歌作阜財墨灑金壺

詩成書事春初

試筆帙聯加賑之章秋甫登場

句較收成之數

命重臣而治水長言仿同谷之歌

勗大吏以承流

德意切下河之歎或郵籤記里

什總分疆或

恩榜開科

韻還合璧寄懷雞飼丹青

摹李迪之圖鼓腹鴻啓卒今孳史蒼之字本皞熙之  
實政宜方策之成編自姒氏厥貢名書釐結銓筐包  
之式越漢家因計上簿具祿田錢穀之科唐元和十  
卷納函宋金耀六曹架閣景德錄傳於會計建中籍  
奏於須知皆注歲入之常經未聞匪頒之成數惟馬

端臨撰文獻之考昉漢孝文減田租以來兩立蠲賑  
之門下訖宋元之際累朝曠邈蓋三千年於茲善政  
稀疎取二三策而已孰若

今之

雲章排日

天語宣春

吟含磬龍鸞之音

諭簇龍鸞之軸試條分而縷析

首且數千從州次而部居

詩真三百曰風曰雅曰頌民事函幽籥之三如絲如綺如綸

王言大渙汗之五攏卷叶羲經之卦區門配孔翼之篇煥乎鉅觀裒然總集嘗讀風雷之象夙欽

天地之文維有孚者我之心卽勿問者民之感託玩占而

見道比程傳朱義之說長根

實踐以

立言誠堯步舜趨之賢遠取諸孚惠名此全書聆  
御諭以闡經百姓足孰與不足備

福疇而衍範庶民同是謂大同臣學淺帶勑識迷把

算生飯稻羹魚之俗秧馬曾騎誦縣貆特之箴  
楓蠟就列運幸逢於

熙洽世共渥於和甘遠信鄉枌聽興歌於里社使遊  
英鴻採塗顧於

天衢載筆思効於編摩越周禮遺人委積授簡頻生  
其歡喜笑蘇家杭守奏章忝領職於

起居曰繙黃冊叨依

光於供奉先覩

丹豪虔緝就於寶書肅繕呈於

瓊案伏願

蕃禧益茂

純嘏彌常

以赤子之心爲心乾乾陽若

後天下之樂而樂鼎鼎福來耕九年餘三年極縱亥  
橫章皆稷翼黍與之地澤下尺生上尺合箕風畢雨  
致獻羔饗酒之忱

惠我無疆祝臺來者樂只

萬年心久依生成之父母

孚于不戒頌勲華者康哉庶事身親見

堯舜之

君民

皇清文頴續編

卷一

表

三

編錄八旗滿洲蒙古漢軍詩成進表

鐵保

伏以

神臯祥發羣材分川嶽之靈

化宇文同七萃衍詩書之澤包垓誕而鼓舞泳

德咸孚洽日月而遵游依

光自近蔭成喬木綿拱衛於億齡業在名山普裁成  
於衆製觀風典鉅

化雨恩隆

臣

誠惶誠恐稽首頓首上言竊惟書成汗

竹代有篇章雅美飴茶是鍾靈淑丹陵若水奧區誕

聖之鄉夏諺幽風福地歌勤之什臯颺禹拜產並近

於姚墟棠芾桃蕡句徧傳於陝治然而八元八愷起

自名家汝鳩汝方收之敵國並值龍興而佐命未偕

鳳翽以矢音降自羸劉誰爲周召或馳驅草野著作

未遑或翊贊軒墀謳吟遂廢迨乎太平旣久大雅遂

興轄軒徧於八方庠序深於六義而詩成寶鼎非沛

上之英客滿瀛洲無晉陽之產極之萋芷周恪杞梓  
楚材胥入網羅咸陪奔奏論勲宿衛詞詎炳乎丹青  
盡瘁前驅技且窮於病競未聞畋漁邇化並附歌薰  
鼓吹從征且能肆雅近則振振麟角道備親賢赳赳  
虎賁才兼文武璧府煥周廬之彩光與星輝戟門聯  
幽谷之芳章依漢倬有若

今日之盛者也欽惟

皇帝陛下

禹文敷海

舜治從風

政在養民暘雨錫蘿圖之福

事必稽古圖書承麟紋之傳

七德綏而秦蜀氣清大經先正

一心盡而衛漳波靖盲說胥芟

嗣幸院於九年千支並叶

續藏書於四庫山海兼包悉遵

家法以觀文遂協

天心之佑

聖九夏譜由庚之樂弦誦達於瀛墍六軍騰脫甲之  
歡詠歌洋於桂楣天潢嚮學柏梁聯燕喜之篇卿月  
承猷槐位協鳳儀之瑞合官學宗學而造士子弟知  
書胥同姓異姓以興賢春秋上計惟此八旗之臣庶  
全憑

列聖之生成初則數取三單繼則名符八陣色分鑲

正中軍奉黃屋之威考列源流太府藏丹書之籍鳴  
江派近從征旣盟以河山鴻澤居安先附亦隸於臣  
僕駐防兼內外居行儲武庫之兵胥宇共憂歡賞卽  
費水衡之幣戰餉守餉養成禦侮之才世祿世官榮  
與登科之選持戟嚴更之署親瞻舞羽於堯階釋冰  
璧水之門飽聽論鐘於周圍置官師而立教示以大  
防觀禮樂而宣和導之善氣溯二十一家之紀載  
文德誰同合百六十載之甄陶雅才並起惟

國恩洽於禁旅食德能言况

御集頒在儒林修辭有式雖聯珠合璧

戒祥瑞於勿言而東壁西清許

咸韶以共聽本支貴戚家有

賜書一介單門人多專集幸作

皇朝義樸爭鳴盛於止戈非無帝世巢由亦效忠於

擊壤值

重熙之慶典名獻篇章歌三輔之

新恩有裨紀載竹匏駢奏梨棗漸多叩鐘分大小之鳴吹律異陰陽之應將門貴其多藝儒塾傳以專長未經

睿鑒之刪存每慮衆言之紛雜

臣授書束髮觀俗乘

詔徧求國雅之愜心益覺土音之悅耳古詩人之遺

韻近在粉榆鄉先達之大篇多存篋笥集裘未遂辟  
蠹恐疏竊念河嶽英靈向多彙選齊魯文學今有專  
鈔况茲旗籍之簪紳幸傍羽林之部署先澤倚

邦家之芘曾附風雲大旨貴忠孝之言敢誇月露

臣

久思廣集未敢上

聞輒從述職之餘敬有採詩之請

宸聰兼聽

帝志旁求俯鑒鑽研親承

指示

臣

粗知下學深昧別裁搜玉有年揀金無識重

蒙

九重之燭照

命資衆志以城成有待編摩先加鈔撮溯自  
作山伊始文物已肇於

興京暨乎定鼎大同人才倍隆於

壽宇體

展親之義首列宗英誌翊運之榮次登朝彥或後先  
憑諸仕版百官之表可稽或分合視其科名千佛之  
經全列白駒音遠山林有自逸之身赤管徽明閨閣  
多可存之句幽潛均錄位號畧詳述作並注於行間

篇章悉收諸身後單詞亦採羣雅畢陳名或因詩而存言不以人而廢幸觀成於衆手自比保殘雖就正於同官終慚示璞疆圻寄重敢分小臣求牧之心涂

泗源通敬倚

至聖刪詩之筆伏願

幾餘鏡秉

論定衡懸集金聲玉振之大成操六變九流之總轄

曰貢俗曰見志經

鑒定而風雅道存或旨緝或文繁奉

品題而源流理滙寵頒

御序小言附二典之巍

榮錫嘉名故紙賁三都之麗讐諸芝莖麥穗遺

皇風而史乘畢登庶幾玉海珠林邀

睿顧而儒宗益貴臣學荒挂壁識蔽正牆聞滄浪而

詎解辨聲遇鍇于而不能索響慕昔人之敬梓幸邇

典型效童子之歌衢敢忘諷誦紬書石室三寫愁似

家之鵠訪籍金臺羣言惜維魚之餌勉收散佚思廣  
流傳旣奉

絲言仍慚舉一復三之悟果叨

車指得窺襲六爲七之原從此曰雅曰頌曰風後四  
始而播諸金石立言立功立德先九州而  
錫以章相世僕承

恩永戴

君師之教

皇輿筆吉長延詩禮之祥

皇上五旬萬壽賀表

英和

伏以三皇壽萬八千歲甄苞熙敷化之春四代書五十八篇錫極驗陳疇之範合天地大中之數

貞元五五包涵際古今未有之奇

功德千千彌滿暘雨之休曰

聖中庸之三重悉本諸身保佑之命自

天

大德之四徵必得其壽寰瀛覃慶率土臚懼臣英和

誠歡誠抃稽首頓首上言洪惟

皇帝陛下

道協生成

化周蟠際博厚高明悠久合其序者

至誠範圍曲成彌綸倚於數爲大衍折衷於至德要

道

德厚謙流兼烈於創業守成

業隆鼎盛茲際已巳小春令日恭遇

五旬萬壽昌辰

受諸福以含嘉奉

一人而有慶我

皇上敬

天有寶

述

聖有經

文治有昭

武功有截

愛民有要

勤政有恒

心括乎六事之全

治迴越百王而上臚徵瑞應私效嵩呼敬惟天與人  
之相通在乎實與名之相副

皇上丕承申錫勅茲寅繩凜日謹一日堯戒之詞守  
新之又新湯鉘之義惟

聖人爲能享

帝精禋著五夜之虔

資乾元乃以統

天昭假本一心之敬讀

南郊

北郊之記義賅乎賈疏鄭箋繹

祈雨

謝雨之詩用廣乎汜書洪傳穀爲國寶

展期禮改次辛雪兆年豐

答

貺吟成首丙龍潭香瓣望霖催頃刻珠璣佛閣花霏  
瑞雪現九天瓊玉凡天不愛道地不愛寶之上瑞綏  
以多而俗慶同風皆養之如春雨之如海之

淵衷貞夫一而

體昭合德此

皇上之所以契協

天心也溯夫耆媯授嬗非出一家禹啟宗傳詎由昆  
命金符兆盛元胤僅有三宗墳瑞開基蒼姬競誇世  
烈

皇上業隆嗣服念切紹衣蓋

傳統卽以

傳心而

聖父畀之

聖子

書名吉已

齋心通默禱之誠

授璽元辰

親手付太平之祚

賜居仙館長流垓寓陽春

養德青宮不毓繩綿大慶金明浪暖

躬奉

安臚玉塞秋清

親持

仙轎

八徵篆寶是用康強逢吉錫厥庶民

一德繩

先敬惟奉養無方樂以天下

賡唱則

堯歌

舜和篇章昭星日之華

志事則

武烈

文謨制作侔天地之大乃方策未聞之事爲休明獨  
盛之祥此

皇上之所以繼承

考烈也文思文明之盛中古爲昭貞明貞觀之儀在  
天垂象必有聲律身度之範克煥曜鈞含霧之華

皇上衷德觀文因方揆教虎闈

典學

進德如初日之昇龍井

宣吟

摛藻穆清風之被披

味餘之全集自

六齡鼓篋

聖已通文萬古千展

御集之初函閣八載成編數行積京垓億秭圖橋璧

水

訓彞特闡上庠劉井柯亭

臨御諧吟東壁

紀事特詳松杏仿

前謨而祇適

前寧

頌京敷述枮榆念

世德而無忘

世守

詠左氏則詩垂百首闡二百四十年椒鐸之微  
正幽雅則訛正三分定一十有五國堯言之準纘  
熙朝之文穎體裁悉秉

宸衷訂唐代之詞章去取胥遵

藻鑑藹如之言仁義煥乎其有文章貫徹於上下始  
終漸被暨東西南朔苗疆設學左言釋耒以橫經  
恩榜儲英南士臚魁而解褐凡風會之日上皆

聲教所遠孚此

皇上文治之不揚也芑鉅徽旄非無紀伐之詞七德  
八奇盡屬止戈之訓

皇上運膺下武智燭先機地大物衆遂生芽蘖之奸  
蟻聚蠶屯爰有杷梳之用始則苗頑阻化勞干羽者  
二年繼而運教訛妖挽粟芻者三省

發謀出慮瞭萬里若掌螺

命將行師運十全於心鵠

敷迺邪之緒論泮林胥革鶠音

製記畧之弁言冊府式章鴻捷經畧行抱見之禮  
恩念貔貅關陁添生力之軍壘新鷙鶩以至臺灣水  
黑俄聞鯨浪吹腥洎乎陸海冰高偶有狐跳致警皆  
旋起而旋滅寧勞九天九地之師惟

能斷而

能謀克收羣策羣力之用名王慕

德紅鹽獻回樂之池南越抒誠香象通愛譴之使琉

球請憲星槎五日而還林邑來琛市舶經年始至奔  
巴佛種應

壽宇以重生伊水番屯擴腴原而駿發如覆燾之無  
不屆拓漢唐所未曾開此

皇上武功之震疊也左擁右扇聿垂姬氏之仁誕埴  
金爐共戴伊耆之澤

皇上懷殷保赤箴念辰丹當此四方之攸同猶慮一  
夫之不獲

仁宣子庶比

功於夏雨春風

體顧壬林遍

德於解衣推食講耕九餘三之政不以屢豐而稍弛  
鞠謀垂用一緩二之經偶遇偏災而卽

頒綸渙記西歲敬

堯咨於畿輔截漕頒帑野無索米之鴻氓迨癸年告  
禹績於衡樓發卒墾茭地有安居之雁戶

問勤嘉肺隱懷容韜鐸之陳

惠叶孚心曲貸許衍楊之緩一十六章之

分詠授衣諱誠女紅二十四氣之

新篇敦本先諮農政衢童轅叟恬熙盡出

恩私濃露吉雲醞釀皆成福應先天下憂而憂後天下樂而樂是謂大同一民飢曰已飢一民寒曰已寒豈云小補濟自古惠鮮懷保誰過

聖后肫仁普九州覆被生成益仰

大君經畫此

皇上愛育羣黎之實也投籤索燭傳爲史冊美談選政調風出於侍臣歌頌此蓋中主所能之事非語

上聖行健之神

皇上五政從心六飛在御所其無逸包殷周四聖之全彰厥有常合臯益兩謨之旨

勤爲政本式垂金鑑千秋

敬與誠通槩括丹書十字辦賑撫無分畛域常因

求瘼宵衣明賞罰以示勸懲每聽

延英曉漏

鑾輿省歲卽爲勤民批摺之章

武幄籌邊遂成盼信述懷之作克詰於庶言庶獄  
論著慎刑勤求乎汝翼汝爲

詩箴儆惰歲勤

秋獮

辛勞肄武之行節值天中

申戒封章之遇無疆惟休惟恤水火金木土穀所由  
修不息則久則徵寒暑風雨露雷無非教惟

勤政故無耗政率先天下臣民而

有爲克底無爲丕冒海隅日出此

皇上恁勤庶理之要也至於

慎乃儉德則服御必黜芬華

篤念宗支而衣食切垂謨誥

嚴懲官墨斥苞苴而節勵羔羊

軫念粟紅釐侵耗而法懲鼠雀舉其大不遺其細若  
網在綱戒用休而董用威如桴應鼓會有極歸有極  
國家以有道爲寶不數緇文皓質之奇如日升如月  
恒

天子亶聰明作君宜臻松柏山川之壽在四海飲龢  
食德華祝同申而

九重履盛懷謙

淵沖彌稟

詔先約已絕進奉之綦嚴

福必同民沛

恩膏而載渥玉標升告懷柔與芬苾同敷鏐臺優頴  
族屬共耆英均拜鵠行晉秩

紫泥賁慰哉思鼂鼓遲徵白輶欣躋萃雅孝順節義  
並邀綽楔之旌耄耋期頤各與絹棉之挾磚區減稅  
谿鱗籍借種之遺逋漏澤時稽清狴戶可差之久繫  
十六條雲施闔布頌遍含哺五百里驛遠郵宣春來

有脚如時雨不私一物故

昊天錫用蕃釐化國之日舒長太平之人仁壽

君子有穀瓞綿繼繼承承

茀祿爾康桐茂萋萋華有馮有翼有孝德歌吉人  
者共矢卷阿以引以翼以介福頌君子者幸游

昌寓臣邇依

禁籞親覩

光華慚晝日以非才頌增川而介

嘏伏願

祚高星岳

慶積滄瀛

鴻祺邁羲堯九皇

鳳紀定璣衡七政

德車樂御調丙轡以恒春

坤紐乾樞併甲週而添綺修五健正五紀以備五福  
五位得而乘時函萬有節萬事以綏萬邦

萬年佑於有德